



Novo hapšenje za carinske prevare

D. POPOVIC

TREBINJE - Mirsad Hadžić (49) uhapšen je u srijedu na graničnom prelazu Deluša u okviru policijske akcije "Pandora".

Naime, pripadnici Granične policije Trebinje su nakon kontrole Hadžića na graničnom prelazu Deluša utvrdili da ga potražuje Državna agencija za istrage i zaštitu (SIPA) zbog organizovanog kriminala, carinske prevare i utaje poreza. Iz SIPA su nam, navodeći incijale, juče potvrdili da je Hadžić uhapšen u sklopu akcije "Pandora", te da je nakon toga predat Tužilaštvu BiH na dalje postupanje.

Podsjećamo, u sklopu akcije kodnog naziva "Pandora", koja je sprovedena u junu, uhapšeni su Kemal Čaušević, bivši direktor Uprave za indirektno oporezivanje (UIO) BiH, Zdravko Cvjetinović, suspendovani pomoćnik direktora UIO za carine, i još desetina sadašnjih i bivših funkcionera i službenika UIO. Uhapšeni u akciji "Pandora" osumnjičeni su za organizovani kriminal, zloupotrebe službenog položaja, stvaranje monopolističkog položaja na tržištu, pranje novca, poresku utaju i protivzakonito posredovanje.

Prema navodima Tužilaštva BiH, oni su dio kriminalne organi-

zacije, koja je od 2004, kada je Čaušević postavljen za direktora UIO, činila krivična djela kojima su godišnje štetili budžet za više od dvije milijarde maraka.

**TUŽILAŠTVO
Hadžić predat
Tužilaštvu BiH na
dalje postupanje**

